

ԵՐԱԺԻՇՏ



Երևանի Կոմիտասի անվան
պետական կոնսերվատորիա

Yerevan Komitas
State Conservatory

Ереванская государственная
консерватория им.Комитаса

Լույս է տեսել ISSN 1829-0469 թղթային տարբերակը 2005թ. դեկտեմբերի 25-ից (223-224)

#7-8 հուլիս-օգոստոս 2024

Կայացավ խմբավար, երաժշտագետ, մանկավարժ Գրիգոր Հարությունյանի գրքերի շնորհանդեսը



ԱՀԹ Առաջնորդական Փոխանորդ Գերաշնորհ Տ.
Նավասարդ
արքեպիսկոպոս Կճոյանի ելույթը

Գրիգոր
Հարությունյան




Երևանի Կոմիտասի անվան պետական կոնսերվատորիայի շրջանավարտներին հանձնվեցին դիպլոմները



ԵՊԿ ղեկավարի
պաշտոնակարար
Շովինար Մովսիսյան



ԵՊԿ 2023-2024 թթ. ուսումնական տարվա շրջանավարտները



Յուրի Դավթյանի ծննդյան 95-ամյակին նվիրված համերգ



Կոնսերվատորիա Պետրոսյան, կազմակերպիչ Շուշանիկ
Բրուցյան, Երևանի Ռոմանոս Մելիքյանի անվ.
երաժշտական պետական թոլեջի դասախոսներ և
ուսանողներ

Կոնսերվատորիա Պետրոսյանի «Երգերի ընտրանի» գրքի համերգ- շնորհանդեսը



Մանուկների շուրթերից պետք է հնչի մանկականը

Հասմիկ Հարությունյան



Կայացավ կոմպոզիտոր Նարինե Զարիֆյանի հորեղյանական երեկոն



Շովինար Մովսիսյան, Նարինե Զարիֆյան

ԵՐԵՎԱՆԻ ՊԵՏԱԿԱՆ ԿՈՆՍԵՐՎԱՏՈՐԻԱՅԻՆ ԱՆՅԱՑՎԵՑԻՆ ԸՆԴՈՒՆԵԼՈՒԹՅԱՆ ՔՆՆՈՒԹՅՈՒՆՆԵՐԸ



Ա. Հովհաննիսյան, Շ. Մովսիսյան, Ա. Բոյաջյան, Ն. Բաղդասարյան,
Մ. Կոկժան, Ռ. Սրեպիանյան

Լուսանկարները՝ Մանե Բաղդասարյանի, Միլենա Զայյանի

Կայացավ խմբավար, երաժշտագետ, մանկավարժ Գրիգոր Հարությունյանի գրքերի շնորհանդեսը



Նյու-Յորքի «Պայքար» շաբաթաթերթում հրատարակվել է Գրիգոր Հարությունյանի գրքերի շնորհանդեսի մասին Կոնստանտին Պետրոսյանի անդրադարձը:



ԵՐԱԺՇՏԱԳԷՏ, ՄԱՆԿԱՎԱՐԺ ԳՐԻԳՈՐ ՅԱՐՈՒՅԻՆԵԱՆԻ ԳԻՐՔԵՐՈՒ ՇՆՈՐՀԱՆԴԵՍ

Օգոստոս 22-ին Արարատեան Հայրապետական թեմի Առաջնորդարանում հանդիսապետութեամբ ԱՀԹ Առաջնորդական Փոխանորդ Գերաշնորհ Տ. Նա-



ւասարդ արքեպիսկոպոս Կճոյեանի տեղի ունեցաւ խմբավար, երաժշտագետ, մանկավարժ Գրիգոր Յարութիւնեանի 3 գրքերի շնորհանդեսը: Գրքերից 2-ը՝ «Ստեղծող մանկանց», «Տաղք Տաղաւարաց» հոգետը երգասացութիւնների մշակումներ են ձայնի եւ երգչախմբի համար, իսկ միւսը՝ «Խմբերգային պարտիտուրի վերադաշնակում», ուսումնական ձեռնարկ է՝ գրուած միջին մասնագիտական եւ բարձրագոյն երաժշտական ուսումնական հաստատութիւնների դասընթացի կազմակերպման համար:

Շնորհանդեսը իրենց ներկայութեամբ պատւել էին ՀԿՄ արտասահմանեան յանձնախմբի համանախագահ Կոնստանտին Պետրոսեանը, Հայաստանի Երաժշտական Ընկերութեան նախագահ Դաիթ Ղազարեանը, ՀՀ ԳԱԱ Արուեստի ինստիտուտի տնօրէն արուեստագիտութեան դոկտոր, փրոֆեսոր Աննա Ասատրեանը, Հայաստանի Կոմպոզիտորների Միութեան նախագահ Արամ Սաթեանը, Երեւանի Կոմի-



տասի անուան պետական կոնսերվատորիայի ռեկտորի պաշտօնակատար Ծովինար Մովսիսեանը, ՀՀ ժողովրդական արտիստ, դաշնակահար Սվետլանա Նաւասարդեանը, Սայաթ-Նովա աշուղական անսամբլի գեղարուեստական ղեկավար Թովմաս Պօղոսեանը, երաժշտագէտներ, խմբավարներ, կոմպոզիտորներ, մտաւորականներ:

Երեկոյի ընթացքում մեներգիչների եւ երգչախմբերի կատարմամբ հնչեցին հայ հոգետը երգասացութիւնների մշակումներ՝ կատարուած Գրիգոր Յարութիւնեանի կողմից:

ԿՈՆՍՏԱՆՏԻՆ ՊԵՏՐՈՍԵԱՆ

Երաժշտական անցուդարձը ԵՊԿ Գայունրիի մասնաձյուղում

2024 թ., հունիսի 30-ին, Գյումրիի տեխնոլոգիական կենտրոնի դահլիճում տեղի ունեցավ Նարեկացի արվեստի միության Նարեկացի նվագախմբի համերգը, որն անցկացվեց ԵՊԿ Գյումրիի մասնաձյուղի «Ժամանակակից կոմպոզիտորները և կատարողները Գյումրիում» ծրագրի շրջանակներում: Այս ծրագրի բուն նպատակն էր հանդիպումը Նարեկացի նվագախմբի գեղարվեստական ղեկավար Արտեմ Խաչատուրի հետ, որը ծրագրի հեղինակ, ԵՊԿ Գյումրիի մասնաձյուղի դոցենտ Բելա Հովհաննիսյանի մտահղացմամբ փոխակերպվեց նվագախմբի և կոնսերվատորիայի Հայ ավանդական երաժշտության կատարողական արվեստի բաժնի ուսանողների հետ համատեղ համերգի: Երաժշտագետ Նվարդ Եղոյանի հարցազրույցն անվանի երաժիշտ, հայ ավանդական երաժշտության հմուտ գիտակ Արտեմ Խաչատուրի հետ ընդմիջվեցին հայ աշուղական երգերի կատարումներով: Հանդիպումը խիստ ծանաչողական էր՝ հայ ավանդական երաժշտության արդի հիմնախնդիրների և դրանց լուծումների մասին արժեքավոր դիտարկումների շնորհիվ:

Բուհի տնօրինության կողմից Արտեմ Խաչատուրը և Նարեկացի արվեստի միության հիմնադիր նախագահ, ԵՊԿ Գյումրիի մասնաձյուղի մեծ բարեկամ Նարեկ Հարությունյանն արժանացան շնորհակալագրերի՝ երախտագիտության և հետագա համագործակցության ակնակալիքներով: Ինչպես նշել է ծրագրի հեղինակ Բելա Հովհաննիսյանը. «Մյուս ծանապարհը՝ հայրթ չէ, բայց ԵՊԿ Գյումրիի մասնաձյուղի փնթեկն փրկվեց Հասմիկ Հարությունյանի նվիրված, միասնական ջանքերի շնորհիվ կարողանում ենք իրականություն դարձնել: Ծրագիրը չէր կարող երկարել, եթե չաջակցեր Նարեկացի արվեստի միությունը, հանձինս Նարեկացի արվեստի միության նախագահ՝ պարոն Նարեկ Հարությունյանի և փնթեկն փրկվեց Գայանե Խաչատուրյանի հոգածության, ինչպես փրկվեց Հարությունյանն էլ՝ նշում այս ծրագրի բացառիկ բարեկամն ու գործընկերը, որի համար հայտնում ենք մեր խորին շնորհակալությունը: Այս ամենի նպատակն է նպաստել սերունդների կրթմանը, նրանց մրավորիչների ընդլայնմանը, ծանաչողական, շփման, ուսումնասիրական մակարդակի բարձրացմանը, գիտելիքների արդիականացմանը և արվեստագետ-մարդ ձևավորելուն: Սրերջն մի ազար հարթակ, որտեղ կարելի է սովորել, ազար հաղորդակից լինել երաժշտական արվեստում կայացած և իրենց ավանդը ներդրած արվեստագետների հետ»:

Պայքարապեղ՝ ԱՐՄԻՆԵ ԱՐՈՅԱՆԸ

<https://www.facebook.com/bela.hovhannisyann.5>

<https://www.facebook.com/gyumriconservatory>




Արտեմ Խաչատուր, Նվարդ Եղոյան



Հասմիկ Հարությունյան, Նարեկ Հարությունյան

Երևանի Կոմիտասի անվան պետական կոնսերվատորիայի շրջանավարտներին հանձնվեցին դիպլոմները



ԵՊԿ դասախոսները և 2023-2024 թթ. ուսումնական տարվա շրջանավարտները

Երևանի Կոմիտասի անվան պետական կոնսերվատորիայում, հուլիսի 11-ին հանձնվեցին շրջանավարտների դիպլոմները:

«Ունենք հրաշալի սերունդ և շրջանավարտներ, ովքեր բարձր կյանք են կոնսերվատորիայի համբավը, պատվիր: Հանդես գալով տարբեր բնագավառներում, միշտ հոգում ունենալով ոչ միայն փյուռ մասնագիտության ղեկավարի անունը, ավանդույթը, այլ նաև այս շենքի, բուհ-ի՝ ձեր կյանքի վառ հիշատակը... Մաղթում եմ մեծ բաներ, մեծ հաջողություն և անձնական երջանկություն», – ասաց ղեկավարի պաշտոնակատար Ծովինար Մովսիսյանը:

2023-2024 ուսումնական ամբողջ տարին նախորդ հնգամյակի հետ միասին անցավ Մոնա Հովհաննիսյանի ղեկավարությամբ: Այդ օրը նա իր խոսքն անձամբ ուղղեց շրջանավարտներին՝ «Հուսով եմ այն դժվարություններով, որ անցան մեր երկիրն ու բուհը օգտակար են լինելու ավելի, քան՝ հակառակը: Մյուսոյա կոնսերվատորիայի ղեկավարության սկզբունքայնությունը, ամբողջությունն ու դիմակայությունն ինձ համար անկասկած ու աներկրա են: Երբեք թույլ չգրառ ավելորդ ու թույր խտաճությունների՝ կապված կոնսերվատորիայի կարգավիճակի, վարկի ու հրաշալի շենքի հետ: Դրանք գոնե այսօրվա դրությամբ միանգամայն կեղծ են և անպարտելի: Ամուր լինե՛ք և անկասկած, մենք շար ավելի արժանավայել ժամանակներ ենք ապրելու: Ցանկանում եմ սրել ձագործական, կարարողական պրոֆեսիոնալ ապրիճաններ, որոնք յուրաքանչյուրիդ բավարարվածություն կբերեն: Իսկական հաղթանակներ ու որակյալ ու բնական հաջողություններ ունենալ և որ ամենակարևորն է՝ արժանի լինե՛ք, որովհետև միայն արժանիներին է տրվում հաջողությունը, սրել ձագործական բերկրանքն ու հաջողությունը»:

Բարենաղանքներ ուղղեցին նաև ուսումնական գծով պրոբեկտոր Արամ Հովհաննիսյանը, ուսումնական մասի վարիչ Նոնա Ոսկանյանը և ղեկավարի ներկայացուցիչները:

<https://www.facebook.com/YerevanStateConservatory>



ԵՊԿ Գյումրիի մասնաճյուղում տեղի ունեցավ շրջանավարտներին դիպլոմներ հանձնելու արարողությունը



ԵՊԿ Գյումրիի մասնաճյուղի ղեկավար Համիկ Հարությունյանը դիպլոմներ է հանձնում շրջանավարտներին

Սույն թվականի օգոստոսի 27-ին, ԵՊԿ Գյումրիի մասնաճյուղի փոքր դահլիճում տեղի ունեցավ 2023-2024 թթ. ուսումնական տարվա շրջանավարտներին դիպլոմների հանձնման արարողությունը:

<https://www.facebook.com/gyumriconservatory>



ԵՊԿ Գյումրիի մասնաճյուղի դասախոսները և 2023-2024 թթ. ուսումնական տարվա շրջանավարտները

Մանուկների շուրթերից պերր է հնչի մանկականը



Կոմպոզիտորի, պրոֆեսիոնալ երաժշտի առաքելությունը կարելի է դիտարկել որպես երաժշտական աշխարհի միջով նավարկող մի յուրահարուկ ճանապարհորդություն՝ ինչպես արեղծագործական արկածներով, հոգևոր փնտրություններով և հասարակական ներդրումներով։ Իմ կարծիքով կոմպոզիտորը հասարակության լուր դեպքում է, ով իր երաժշտության միավորում է մարդկանց և կամրջում մշակույթները։

Հասմիկ Հարությունյան

Ինչպես ասել է XIX դարի իտալացի գրականագետ Վինչենցո Ջորդերոնի. «Աշխարհը՝ նշանակում է արեղծել, իսկ արեղծագործությունը միակ խոր, իրական ուրախությունն է, որը մարդ կարող է ձայնակել այս կյանքում»։ Իր համառ աշխատանքով և դրա արդյունքում ծնված գեղեցիկ ու յուրատիպ ստեղծագործություններով է հանդես գալիս ամերիկացի երիտասարդ հայ կոմպոզիտոր Հասմիկ Հարությունյանը։ Ապրելով և ստեղծագործելով ԱՄՆ-ում կոմպոզիտորը ծավալում է մասնագիտական ակտիվ գործունեություն, ներկայացնելով հայկական երաժշտական մշակույթը միջազգային ասպարեզում։

Հ. Հարությունյանը (ծնվ. 1984 թ., Երևանում), սովորել է Երևանի Ռոմանոս Մելիքյանի անվ. պետական երաժշտական թուղթի երաժշտության տեսության բաժնում (1998-2002 թթ.), այնուհետև ուսումը շարունակել է Երևանի Կոմիտասի անվ. պետական կոնսերվատորիայի կոմպոզիցիայի բաժնում (2002-2007 թթ.), պրոֆեսոր Արամ Մայրանի դասարանում։ 2005-2021 թթ. աշխատել է Երևանի Ռոմանոս Մելիքյանի անվ. երաժշտական պետական թուղթում, որպես դասախոս, այնուհետև՝ տնօրենի՝ ուսումնական աշխատանքների գծով տեղակալ։ 2008-2019 թթ. աշխատել է Երևանի Հայկաժողովրդական համալսարանի դպրոցում՝ որպես կոմպոզիցիայի ուսուցչուհի։

Հ. Հարությունյանն ստեղծագործում է տարբեր ժանրերում, սակայն առաջնությունը տալիս է մանկական և պատանեկան ստեղծագործություններին։ Կոմպոզիտորի համոզմամբ. «Երեխաները պերր է կարարեն և լսեն արեղծագործություններ, որոնք գրված են հարուկ իրենց համար։ Սա է իմ արեղծագործական կարգախոսը։ Մանուկների շուրթերից պերր է հնչի մանկականը»։ Հ. Հարությունյանի ստեղծագործությունները, մասնավորապես երեխաների համար գրված երկերը, աչքի են ընկնում բնորոշ անկեղծությամբ, ջերմությամբ և արտահայտման ինքնատիպությամբ։ Ինչպես նշել է ՀՀ արվեստի վաստակավոր գործիչ, Հայաստանի կոմպոզիտորների միության նախագահ, պրոֆեսոր, կոմպոզիտոր Արամ Մայրանը. «Պերր է նշան, որ մանկական երգը հեշտ չի ծնվում, այնուամենայնիվ իր արեղծագործություններով Հասմիկը կարողանում է արեղծել մանուկների աշխարհը։ Նրա կերպած սեփական ձեռագիրը հազարավոր երեխաների համար վառ ու գունեղ պարմություն է դարձել։ Դրա վառ ասպարեզը Հասմիկի երգերի բազմաթիվ կատարումներն ու մրցանակներն են, ինչպես Հայրենիքում, այնպես էլ նրա սահմաններից դուրս։ Այսօր էլ, գործելով Հայրենիքից հեռու, կոմպոզիտորը շարունակում է իր արեղծագործական գործունեությունը ԱՄՆ-ի Կալիֆոռնիա նահանգում, իր գործունեությանը կատարելով ազգամիջազգային արժանապատիվ։ Իր արվեստով նա Սփյուռքում գործող մանուկներին կարողանում է փոխանցել Հայրենիքի շունչը»։ Այդ ժանրում կոմպոզիտորի բազմաթիվ ստեղծագործություններ ծնվել են «Արևիկ» (այժմ «Արևիկ») Արմեն Դիվանյանի անվ. մանկապատանեկան անսամբլի հետ՝ ղեկավար Արփինե Հովհաննիսյան, համագործակցության արդյունքում։ «Հասմիկ Հարությունյանի հետ համագործակցում եմ սկսած 2005 թ.։ Նա այն եզակի կոմպոզիտորներից է, ով կարողանում է ներթափանցել մանուկների ներաշխարհը և փնտել իրականությունը մանկան աչքերով։ Նրա արեղծագործությունները մշտապես գրավել են բարձր հորիզոնականներ թե՛ Հայաստանում, թե՛ նրա սահմաններից դուրս։ Այժմ էլ, լինելով Հայրենիքից այդքան

հեռու, Հասմիկը շարունակում է արեղծագործել և համագործակցել «Արևիկ» հետ։ Համագործակցության վառ արդյունքը 2024 թ., միջազգային մի շարք մրցույթներում 1-ին պարգևավոր հորիզոնականներն են», - նշել է անսամբլի ղեկավար Արփինե Հովհաննիսյանը։ Այդ առումով նշենք, որ վերջերս մասնակցելով «Monolit festival» արվեստի միջազգային առցանց մրցույթ-փառատոնին, Հ. Հարությունյանն արժանացել է առաջին կարգի մրցանակների և հրավիրվել Իսպանիա, որտեղ կատարվելու է նրա ստեղծագործությունը։ Կոմպոզիտորը ներկայացել է թվով 10 մրցույթի (նույն մրցույթ-փառատոնի շրջանակներում), որոնք անցկացվել են Ամերիկայում («American Charm»), Ֆրանսիայում («Art Marathon In France»), Գերմանիայում (Art Marathon In Germany), Հունաստանում («Art Marathon In Greece»), Ավստրալիայում («Under The Skies Of Australia»), Իսպանիայում («Paints Of The Spanish»), Անգլիայում («Welcome To England»), Արգենտինայում («Argentine Gathering»), Իտալիայում («Art marathon in Italy») և Կանադայում («Welcome to Canada»)։



Կոմպոզիտորը մրցույթներում ներկայացրել է մանկական և պատանեկան երգեր՝ «Արևիկ» մանկապատանեկան անսամբլի կատարմամբ, որոնք բարձր գնահատականի են արժանացել հանձնախմբի անդամների կողմից։ Հ. Հարությունյանի «Փնջաղբյուր» երգի մասին դրական արձագանքելով հանձնախմբի անդամները նշել են. «Քանի որ մենք գնահատել ենք մասնակցությունը միայն որպես կոմպոզիտոր, մենք բարձր ենք գնահատել այս աշխարհում։ Այն լավ էր և պրոֆեսիոնալ։ Տեսանելի է, որ արեղծման ընթացքում հաշվի է առնվել նաև կատարողի փառքը։ Շնորհավորում ենք գերազանց աշխատանքի կատարողությանը»։

Որպես կոմպոզիտոր, Հ. Հարությունյանն ակտիվորեն համագործակցում է տարբեր մշակութային օջախների, կազմակերպությունների հետ, ներգրավված է մի շարք միջոցառումների կազմակերպման և իրականացման գործում, որոնք ուղղված են հայ երաժշտության տարածման ու զարգացմանը։ Կոմպոզիտորի հետ գրույցից տեղեկացրել ենք նրա մասնագիտական համագործակցության շրջանակների մասին. 2022 թ. համագործակցել է Պետրոսյան թատերական պարային ընկերության հիմնադիր, տնօրեն և գործադիր տնօրեն Նարինե Պետրոսյանի հետ, «Եվ մեկ անգամ Շառլ Ագնավոր» համերգային ծրագրի շրջանակներում՝ կատարելով պարային համարների մի շարք մշակումներ։ 2023 թ. համագործակցել է հայկական երգչախմբային դիրիժորների ասոցիացիայի (ղեկավար՝ Հայկյան) երգչախմբի հիմնադիր, գեղարվեստական ղեկավար

և խմբավար Գայանե Բաղդասարյան) հետ՝ խթանելով երգչախմբային արվեստի զարգացմանը, նոր կատարողական մոտեցումներին և ներգրավելով երիտասարդ տաղանդների։ Գայանե Բաղդասարյանի խոսքով. «Հասմիկի ներդրումը մեր երգչախմբային արվեստի զարգացման մեջ անգնահատելի է։ Նրա նորարարական մոտեցումն ու արեղծագործական էներգիան արեղծում են նոր հորիզոններ։ Նրա արեղծագործական գործունեությունը զգալիորեն նպաստում է մեր երգչախմբի միջազգային ճանաչմանը և բացում նոր հնարավորություններ համագործակցության համար»։ Համագործակցում է «Հայ Արտ» մանկապատանեկան խմբի հետ՝ Նեկտարինե Չիլյանի ղեկավարությամբ, ստեղծելով երգեր և ակտիվ մասնակցելով համատեղ համերգներին։ Կոմպոզիտորի խոսքով. «Այս համագործակցությունն ինձ հնարավորություն է տալիս կիրառել իմ արեղծագործական ներուժը երիտասարդ սերնդի կրթության և զարգացման նպատակով։ Հասմիկը մասնակցել ենք «Երեխաների միջազգային օրվան նվիրված» հունիսի 1-ին, 2024 թ. կայացած համերգին, որտեղ իմ ներդրումն արժանացել է պարգևի՝ համերգի մասնակցների կողմից»։ Վերին երկու տարիների ընթացքում, լինելով Հայ-Ամերիկյան արվեստագետների ասոցիացիայի (ՀԱԱ) կոմպոզիտորների միության ղեկավար, կազմակերպել է մի շարք միջոցառումներ, որոնք նպատակաուղղված են եղել հայ և ամերիկյան մշակութային կապերի ամրապնդմանը։ Այս բոլոր միջոցառումների համար գրել է երաժշտություն և կատարել տարբեր մշակումներ, որի համար 2023 թ. արժանացել է ՀԱԱ-ի նախագահի՝ Գարեգին Քարազյանի, հատուկ շնորհակալագրի՝ երաժշտության բնագավառում մեծ ներդրման և նվիրվածության համար։

Կոմպոզիտորը համագործակցում է «Համազգային Արևմտյան ԱՄՆ Նախարար» երգչախմբի հետ (ղեկավար՝ Լուսինե Մելիքյան), կազմակերպելով համատեղ համերգներ և միջոցառումներ, ինչպես նաև գրել է երգեր և կատարել տարբեր մշակումներ հատուկ երգչախմբի համար, ինչի համար պարգևատրվել է Գերազանցության վերկայականով երգչախմբային ժանրում արժեքավոր ներդրման համար։

Համագործակցում է «Երաժշտությունը հանուն միասնության» կազմակերպության հետ (ղեկավար՝ Շուշաննա Հակոբյան)։ Համերգային գործունեությունից բացի, կոմպոզիտորի մի շարք ստեղծագործություններ ընդգրկվել են երիտասարդ կատարողների համերգացանկերում, ինչը նպաստում է նոր սերնդի երաժիշտների զարգացմանը և ճանաչմանը։

Հ. Հարությունյանն համագործակցում է նաև ԱՄՆ-ի Հայ Առաքելական Եկեղեցու Արևմտյան Առաջնորդարանի, մասնավորապես համերգային ծրագրերի գեղարվեստական ղեկավար՝ ՀՀ վաստակավոր արտիստ, օպերային երգիչ (տենոր) Պերժ Բարսեղյանի հետ։ Համագործակցում է AGBU Փաստադատի Լուս Անգելյանի երգչախմբի (ղեկավար՝ Նեկտար Միրաբյան), ինչպես նաև Գլենդեյլի Ֆիլիպինյանի նվագախմբի գեղարվեստական ղեկավար և գլխավոր դիրիժոր, «Ջանգալատուն» սիմֆոնիկ նվագախմբի դիրիժոր, Լուս Անգելյանի «Կալիֆոռնիայի հայ երիտասարդաց միության» երգչախմբի ղեկավար Միքայել Ավետիսյանի հետ՝ ներկայացնելով հայ ազգային մշակույթը ԱՄՆ-ում և նպատակելով հայ-ամերիկյան մշակութային կապերի ամրապնդմանը։ Հասմիկը կազմակերպվում են համերգներ, կրթական ծրագրեր և մշակութային միջոցառումներ, որոնք նպատակ ունեն պահպանել և զարգացնել հայ երաժշտական ժառանգությունը, ինչպես նաև ստեղծել նոր և հետաքրքիր նախագծեր, որոնք կամրապնդեն հայ-ամերիկյան մշակութային կապերը։ ԱՄՆ-ի NACUSALA (National Association of Composers) Կոմպոզիտորների Ազգային Ասոցիացիայի անդամ է։

Այն հարցին, թե երաժիշտների ինքնադրսևորման համար ինչ պայմաններ կան Ամերիկայի երաժշտական կյանքում, որը չկա Հայաստանում, կոմպոզիտորը պատասխանել է. «Ամերիկայում երաժշտության պրոֆեսիոնալ մակարդակը շատ բարձր

Կոմիտասի գրառած օրորերգերը ներկայացվեցին զույգ համերգով



Մագդա Մկրտչյան

Ամեն օր, ամեն ժամ մենք դեմքով դառնում ենք դեպի Կոմիտասը. նրա՝ սերունդներին թողած ժառանգությունը դեռևս խորն ու մանրակրկիտ ուսումնասիրության և, համապատասխանաբար, ներկայացման կարիք ունի, անհայտ և կամ պակաս քննված էջեր կան, որոնք դեպի մեր ազգային ակունքներին «դարձի» ուղիղ ճանապարհն են: Այդ ճանապարհին քայլերից մեկն էլ վերջերս երկու համերգներով Կոմիտասի գրառած տասներկու օրորեցական խմբերի համերգային կատարումներն էին, նախ, Հայկական Բարեգործական Ընդհանուր Միության (ՀԲԸՄ) Հայաստանի դահլիճում, ապա և՛ Գաֆէսճեան արվեստի կենտրոնում: «Պատմական Հայաստանի օրորներ» խորագրով համերգներին ՀՀ վաստակավոր արտիստ, սուպրանո Մագդա Մկրտչյանի կատարումները հնարավորինս հարազատ էին ժողովրդի երգեցողության ինքնուրույն դպրոցին, որի մասին ժամանակին խոսել է Կոմիտասը: Ամիսներ առաջ էր, որ երգչուհին, ժողովրդական օրորերգերի իր պեղումների արդյունքում ձայնագրած խոսասանիկը համերգով ներկայացրեց Ա. Սպենդիարյանի հանդիսությունների սրահում. հենց այդ օրն էլ բարձրաձայնեց հաջորդիվ կոմիտասյան օրորեցականներին անդրադարձնելու և նոր ձայնագրություններ կատարելու իր մտադրությունը: Հավատարիմ իր խոստմանը՝ հիմա բացառապես երգեց Կոմիտասի գրառած և դրա շնորհիվ մեզ հասած նանիկները: Երբ համերգից հետո ուզում էի այդ օրորեցականների ընդհանրական գնահատակը ձևակերպել, մտաբերեցի հենց Կոմիտասի մի բնորոշումը, որից առավել ձգգրիտ հնարավոր չէ տալ տվյալ պարագայում: Կոմիտասը ժողովրդական երգը, ուրեմն և՛ դրանց մաս կազմող օրորերգերը ընդունում էր իրենց պատմական գարգացման մեջ: Դրանք, Կոմիտասի խոսքերով ասած, ինչպես գեղարվեստի ամեն ճյուղ,

ունեցել են իրենց մանկության, հասունության և լրիվ զարգացման ընթացքը: Այդ ընթացքի արտահայտություններն էին այն եղանակները, որոնք կատարեց Մագդա Մկրտչյանը: Դրանց, ոնց դարձյալ Կոմիտասն է բնորոշել, բնական էին, պարզ, քանի որ իրենց ծագմամբ «բնական, ըստական» արտահայտություններ են: Օպերային երգչուհի լինելով՝ Մ. Մկրտչյանն իր հայացքն ուղղել է դեպի ժողովրդականը՝ հետևելով կոմիտասյան պատգամին. «Ապագա երաժշտության ուսումնասիրության հիմքը պետք է դառնա ժողովրդական երաժշտությունը»:

Մագդա Մկրտչյանի կատարած տասներկու օրորեցականներից մի քանիսը չունեն խոսքեր, բայց մայրական քնքշանքի, առանձնահատուկ զգացմունքի այնպիսի արտահայտություններ են, որ ունկնդրին առանց հուշելու էլ հասկանալի է դրանց նշանակությունն ու բնույթը: Մի քանի օրորներ, անգամ, վերնագրված չեն, պարզապես համարակալված են, ասենք «Օրոր N° 2», «Օրոր N° 3» և այլն: Խոսուն, բնության երևույթներին արձագանքող, պահի տպավորությամբ ծնված խոսքերից առնված տողեր են մնացած երգերի վերնագրերը՝ «Բախչա ունիմ, բար չունիմ», «Աղվոր ես, չունիս խալատ», «Քամին կիչե հարավ», «Քուն եղիր, բայա՛», «Հոյ լա, սնավոր տուն», «Օրորդ ըլնիմ»...

«Կոմիտասի գրառած օրորեցականներից մի քանիսը խոսքեր չունեն. անհայր է՝ դրանք իրականում խոսքեր ունեցել է, թե՛ ոչ, գուցե թե ձայնով արդեն հայ մայրն իր սերն է հաղորդել, և խոսքեր պետք չեն եղել՝ իր գորովն արտահայտելու, – ասում է Մագդա Մկրտչյանը: – Բայց և գուցե հնագույն ժամանակներից եկած երգի խոսքերն, ուղղակի, չեն հասել մինչև Կոմիտասի ասրած ժամանակները: Եվ ես համարձակություն արացա՝ դրանցից մեկը խոսքերով երգել, որ գրվել են վերջերս: Իմ առաջարկով



Համերգի մասնակիցներ

բանաստեղծուհի Հասմիկ Սարգսյանը խոսքեր գրեց կոմիտասյան մի օրորեցականի համար, և այն հանդիսականի դարին հանձնեցի համերգներից մեկին՝ կատարման ժամանակ առաջին հարվածում՝ խոսքով, երկրորդ հարվածում՝ զույգ կոմիտասյան գրառմամբ:

Զվարթունք ժպտին
Շուրջն օրորքիդ,
Կրծքիս կեղտման
Շնչիկդ եղան:



Արմինե Անայան, Մագդա Մկրտչյան, Նունե Մելիք-Վրթանյան

Միտով պարեցի,
Բայիս բերեցի...
Մանուկս քնի,
Բարուր դրախտ ի...

Հանդիսականն իմ կատարումը խիստ ջերմ ընդունեց, և ես դա համարում եմ իմ հաջողությունը:

Ի դեպ, բուժիչ են մեր օրորները, և այնպիսի նրբերանգներ են հաղորդել, որ աննկատ հարազանում են երգերը, ճաշակով են և մարդ «հալեցնող», – շարունակում է երգչուհին: – Դրանք մաժուրային են, ուրախ, երբեմն՝ մեղմ, դանդաղ: Շարերը սիրեցին դրանք, երբեմն հանդիսականը ինքնաբերական միանում էր իմ երգեցողությանը, արտասվում, հուզվում, զգում էի, որ ինձ հաջողվել է իրենց կրթել իրականությունից, նյութականությունից, հոգեմաքրում էր: Ուստի և գաղափար կա համերգը կրկնելու: Աշխարհին մոր, կնոջ էներգետիկան է պակասում: Կինը երեխա է լույս աշխարհի բերում, կյանք է արարում, աշխարհը մարդկությանը ու մարդկայնությանը լցնում, իսկ պարերազմներին, ավերումին վերջ չկա»:

Մագդա Մկրտչյանի՝ կոմիտասյան օրորերգերի երկու համերգներին առանձին կատարումներով միացան և անհատական առանձին երաժարություններ հաղորդեցին սուպրանո Արմինե Անայանը, սուպրանո Մելինե Նաջարյանը, մեճո-սուպրանո Լիլիթ Հակոբյանը և Ա. Ցիցիկյանի անվ. երաժշտական դպրոցի սաները՝ նվագակցությամբ դաշնակահարներ Նունե Մելիք – Վրթանյանի և Ռուզաննա Բարայանի:

ՀԱՄԻԿ ՍԱՐԳՍՅԱՆ
Գրող

Մանուկների շուրթերից պետք է հնչի մանկականը

4 Է՛ շնորհիվ մեծ շուկայի, առաջարար կրթական հասարակությունների, փեխնդրողական զարգացումների և բազմազանության: Երաժիշկներն ունեն բազմաթիվ հնարավորություններ՝ իրենց կարիերան զարգացնելու, միջազգային ճանաչում ձեռք բերելու համար, ինչը նրանց թույլ է փայլա հասնել բարձր պրոֆեսիոնալ մակարդակի և սրելով ազդեցիկ արվեստը: Հայաստանում երաժշտության պրոֆեսիոնալ մակարդակը՝ հիմնված է հարուստ մշակութային ժառանգության, բարձրակարգ կրթական հասարակությունների վրա: Մակայն սահմանափակ ֆինանսական և փեխնդրողական ռեսուրսները դժվարացնում են երաժիշկների պրոֆեսիոնալ զարգացումը և միջազգային հաջողությունների հասնելը: Հասարակական լայն գործունեության հետ մեկտեղ կոմպոզիտորը ծավալում է նաև մանկավարժական գործունեություն. 2023-ից առ այսօր աշխատում է ԱՄՆ-ի Գլենդել քաղաքի Միջազգային երաժշտական դպրոցում (այժմ «Կրեյտիվ») որպես տեսական առարկաների և կոմպոզիցիայի ուսուցչուհի, ինչպես նաև գրում է երգեր դպրոցի երգչախմբի համար: Հատկապես կարևորելով կրթության

դերը, նա նշել է. «Իմ նպատակն է բարելավել ընդհանուր կրթական համակարգը, որպեսզի յուրաքանչյուր երեխա հնարավորություն ունենա արանալու որակյալ կրթություն, որը ներառում է նաև արվեստի և երաժշտության ուսուցումը: Եթե երաժշտությունն ավելի խորը ինտեգրվի կրթական ծրագրերում, դա կօգնի ձևավորել մի սերունդ, որը կլինի ավելի արեղծագործ, կարեկցող և համախմբված»:

Հասմիկ Հարությունյանի՝ թե՛ կոմպոզիտորական, թե՛ մանկավարժական, և թե՛ հասարակական գործունեությունն Սփյուռքում իսկապես արժանի է գովասանքի, քանի որ այն արժեքավոր ներդրում է ինչպես հայկական երաժշտական արվեստի զարգացման ու տարածման ասպարեզում, այնպես էլ մշակութային միջազգային կապերի խթանման, հաստատման և ամրապնդման գործում:

Գնահատելով կոմպոզիտորի տեղեւագործական ուրույն մոտեցումները, որոնք հատուկ են թե՛ ավանդական դասական ակադեմիական, և թե՛ ժամանակակից երաժշտարվեստին, պայմանավորված են ազգային պահպանման միտումով: Այդ առումով նշենք Հասմիկ Հարությունյանի խոսքը, ով 2007 թ. իր դիպլոմային

աշխատանքի ներկայացման առիթով հայտնել է. «Երաժշտությունը լսելիս անպայման պետք է հասկանալ, թե հեղինակն ով է, ինչ ազգության է պատկանում: Թվում է, որ ինձ մոյր դա հաջողվել է: Սրբեղծագործությունս կոչվում է «Underground», այսինքն՝ ոչ թե գերնի փակ, ընդհանրակ խնամարով, այլ այն, որ ամեն ինչի արմարները խորանում են դեպի ներքև, հողի մեջ, դեպի ազգայինը: Միշտ պետք է հիշենք, որ մենք արմարներով հայ ենք, ուր էլ գնանք, ինչ էլ անենք»: Կարծում ենք, որ երիտասարդ կոմպոզիտորն ասելով և ստեղծագործելով ԱՄՆ-ում, իսկապես կարողացել է մշակութային բազմազանության մթնոլորտում պահպանել ազգայինը, մաքուրը և խորքայինը:

ԱՐՄԻՆԵ ԱՅՈՅԱՆ
Երաժշտագետ, կոմպոզիտոր,
«Երաժիշ» ամսաթերթի
գլխավոր խմբագիր

Յուրի Դավթյանի ծննդյան 95-ամյակին նվիրված համերգ

Հուլիսի 15-ին, Արամ Խաչատրյանի անվան համերգասրահում տեղի ունեցավ համերգ-շնորհանդես նվիրված անվանի դիրիժոր, հայկական երաժշտական մշակույթի վաստակաշատ երախտավոր՝ ՀՀ ժողովրդական արտիստ, պրոֆեսոր Յուրի Դավթյանի ծննդյան 95-ամյակին:

Յուրի Դավթյանը շուրջ 70 տարի եղել է Երևանի Սպենդիարյանի անվ. օպերայի և բալետի թատրոնի դիրիժոր, որից 20 տարի գլխավոր դիրիժոր: 1966-1968 և 1992-1994 թվականներին եղել է՝ Հայկական հեռուստատեսության և ռադիոյի պետական կոմիտեի սինֆոնիկ նվագախմբի գլխավոր դիրիժոր: Կյանքի վերջին տարիներին Յուրի Դավթյանը գործել է եռանդուն մասնակցություն է ունեցել Հակոբ Պարոնյանի անվան կոմեդիայի թատրոնում, որպես գլխավոր դիրիժոր: Նա ղեկավարել է մի շարք սինֆոնիկ նվագախմբեր՝ ԽՍՀՄ Պետական, Մոսկվայի Մեծ, Մարիինյան նաև Սարատովի օպերային (գլխավոր դիրիժոր) թատրոնների, և այլ նվագախմբեր: Յուրի Դավթյանը համերգներով շրջագայել է՝ Ռուսիայում, Հունգարիայում, Ֆրանսիայում, ԱՄՆ-ում, Իսպանիայում և այլ երկրներում:

Իր բազմամյա դիրիժորական գործունեությամբ Յուրի Դավթյանը մեծապես նպաստել է մեր ազգային ակադեմիական սինֆոնիկ նվագախմբային արվեստի զարգացմանը և Հայաստանի մշակութային կյանքի հարստացմանը:

Նա որպես երաժիշտ և դիրիժոր կայացել է սովորելով ժամանակի մեծանուն դիրիժորների Կոնստանտին Սարաջևի և Միքայել Թավրիզյանի ու մեծերի կողքին՝ Ալեքսանդր Մելիք-Փաշայանի, Գևորգ Բուդաղյանի և հետագայում արդեն պրոֆեսոր, տասնամյակներ շարունակ այդ մեծերի մասնագիտական պատգամները փոխանցել է երիտասարդ սերնդին: Բախտավորություն է նրա սաների համար, որովհետև բացի ժուսական դիրիժորական դպրոցի կրողներից ուսանելով, նա կատարելագործվել է ֆրանսիական և իտալական դպրոցների ներկայացուցիչ ազնվական ծագումով մեծն Իգոր Մակեյեիչի վերապատրաստման դասընթացում:

«Ես իմ ամբողջ կյանքը նվիրել եմ արվեստին: Իմ մեծերից Սարաջևից և Թավրիզյանից սրացած գիտելիքները, որպես գործունեության և կյանքի նպատակ փոխանցել եմ սաներին, որոնք այսօր Միսկապուրից մինչև Փարիզ գործում են և կայացած, ճանաչված արվեստագետներ են»:

Յուրի Դավթյանը:

Նրա ղեկը նշանակալի է ոչ միայն իր լավագույն շրջանավարտ Սերգեյ Սմբատյանի՝ որպես դիրիժորի մասնագիտացման գործում, այլ նաև Հայաստանի պետական սինֆոնիկ նվագախմբի: Պետք է նշել Յուրի Դավթյանի մասնակցությունը որպես հանձնախմբի նախագահի Արամ Խաչատրյանի անվան միջազգային դիրիժորական մրցույթում՝ 2016 թվականին, որը կազմակերպել էր 20-ամյա պատմություն ունեցող աշխարհամանաչ միջազգային մրցույթի հիմնադիր Սերգեյ Սմբատյանը, ում աջակցությամբ էլ հրատարակվել է իր ուսուցչի ինքնակենսագրական «Մեկ դարյա պատմություն» պատկերազարդ ալբոմ-գիրքը, որի ազդանշանային օրինակը ցուցադրվեց բեմից:

«Կոմիտասի անվան պետական կոնսերվատորիայի 20 տարվա հրապարակաշունչն են հիմնադրել և ղեկավարում, առաջին անգամ էր, որ կարգավորվել էր ու հունարով ինքնակենսագրական այսպիսի հեղափոխական գիրք եմ հրապարակել: Այդ միջոցով ժամանակի պատկերների բարեկիրթ անձանց, արվեստի ու մարդկային շփումների հետ ենք ծանոթանում: Ժամանակաշրջան է վերականգնվում հուշ-հույսեր-պարտություններով: Առիթը եղավ, երբ Յուրի Դավթյանը ցրեմենտով Ղազարոս Սարյանին նվիրված. «Երաժշտական Հայաստան» ամսագիրն ասաց. «Ես լավ հունարային հուշեր ունեմ, կհրապարակե՞ր» մենք խմբագիրներով լինելով նախկին ռադիոյականներ, ճանաչելով մասնավորապես սուր և անմեղ ցեղային ճշմարտությունը համարողներ շարադրելու ուժն ուրախությամբ ընդունեցին: Հետո էլ ոգևորված հոգիների հաջորդությամբ հարցրեցի. «էյ ինչքան գրված նման հուշեր», - դրական պատասխան եղավ և սկսվեց գործընթացը» - գրում են ես, որպես գրքի կազմող և պատասխանատու մասնագիտական խմբագիր նաև երաժշտագետ և հրատարակիչ: Ամբողջ երեկոյի ընթացքում բեմի մեծադիր էկրանին ցուցադրվեցին գրքում ներառված պատկերազարդ էջերից Յուրի Դավթյանի հետ լուսանկարները:

Համերգը երախտագիտության և հարգանքի տուրք է նվագախմբի մեծ բարեկամի՝ Յուրի Դավթյանի հիշատակին, որին իրենց կատարումներով և ստեղծագործական հուշերով, մասնակցեցին անվանի կատարողներ, դիրիժորներ և կոմպոզիտորներ: Հսկեց Պիեռո Մասկանյիի Բատերմենտն «Գեղջկական պատիվ» օպերայից, դիրիժոր՝ ՀՀ վաստակավոր գործիչ Սերգեյ Սմբատյան:

Յուրի Դավթյանի որդին ջութակահար և դիրիժոր Հայկ Դավթյանը ժամանել էր Փարիզից հատուկ այս երեկոյին մասնակցելու համար: Իր կրթությունն սկսել է Տատյանա Հայրապետյանի ջութակի դասարանում՝ Չայկովսկու անվան միջնակարգ երաժշտական դպրոցում և շարունակել իր իսկ ուսուցչուհու սան՝ Կոմիտասի անվան Երևանի պետական կոնսերվատորիայի, Էդուար Թադևոսյանի դասարանում: Որպես դիրիժոր ԵՊՀ-ն ավարտելուց հետո Ղ. Սարյանի խորհրդով ընդհուպել Յուրի Դավթյանի դիրիժորական դասարանը: Գործում է որպես ջութակահար մենակատար և նվագախմբի արտիստ տարբեր նվագախմբերում և Ֆրանսիայում նույնպես որպես կոնցերտմայստեր համագործակցել է տարբեր սինֆոնիկ նվագախմբերի՝ Փարիզի ազգային Օպերայի և Ֆիլհարմոնիայի: Ստեղծել է կոմպոզիտոր Արթուր Մարոնյանի հետ (ջութակ/դաշնամուր) «Քրոմա» դուետը, «Նաիրի» կվինտետը և նույնանուն նվագախմբերը: Համերգին նա կատարեց՝ Մորիս Ռավելի «Գնչուհի» կոնցերտ-ճապատոյիս ջութակի և նվագախմբի համար:

Յուրի Դավթյանի ամենասիրելի երկերից մեկը՝ Էվարդ Միրզոյանի «Վալսը», որը ղեկավարեց որդին՝ Հայկ Դավթյանը: Նա կատարեց նաև Ալեքսանդր Սպենդիարյանի «Էտյուդը իրական թեմաներով»:

Այսօր երիտասարդ՝ համաշխարհային ճանաչված օպերային աստղ Լիլյարիտ Ավետիսյանը համերգի ընթացքում կատարեց հայ կոմպոզիտորների սիրված երգեր և այսօր էլ պոնավան բեմերից հնչող՝ Աննա Բաբայանյանի «Առաջին սիրտ երգը» և նաև փայլուն կատարեց Կոնստանտին Պետրոսյանի ժողովրդականություն վայելող «Հայաստան» երգը, դիրիժոր՝ Սերգեյ Սմբատյան:



Սվետլանա Նավասարդյան, Սերգեյ Սմբատյան

Յուրի Դավթյանը իր երկարատև կյանքի ընթացքում տարբեր ժամանակների աշխարհահռչակ արտիստների հետ է համագործակցել, ինչպես՝ Կարայի Ջորջանը, ռուսիստիկ Ջինաիդա Պալլին, Մետրոպոլիտենի օպերային երգիչ՝ Նիկոլայե Հեյդեան, էստոնացի՝ Տիյո Կոլուգիկ, Նատալյա Շախլերը, Ելենա Օբրազցովան, մեր լավագույն կատարողներից՝ Գոհար Գասպարյանը, Տաթևիկ Սազանդարյանը... կարելի է անվերջ թվարկել, նաև այսօրվա երիտասարդ շատ երգիչներ:

Ապաված հյուրերից էր աշխարհահռչակ դաշնակահարուհի Սվետլանա Նավասարդյանը, ով ուսանել է դիրիժորություն Յուրի Դավթյանի դասարանում և ի հիշատակ իր ուսուցչին Սվետլանա Նավասարդյանը կատարեց «Էվիլիա Մադիգան» վերնագրով հատվածը՝ Վոլֆգանգ Ամադեուս Մոցարտի դաշնամուրի և նվագախմբի 21-րդ Կոնցերտից՝ Սերգեյ Սմբատյանի ղեկավարությամբ:

Շատ հետաքրքրական է կոմպոզիտորների հետ համագործակցությունը և բնական հումորային դրվագներով համեմված: Մեծ էր հատկապես բարեկամությունն Էվարդ Միրզոյանի հետ, ում կողմից գրված են հետևյալ տողերը Յուրի Դավթյանի մասին. «ՀԽՍՀ ժողովրդական արտիստ Յուրի Դավթյանը հանրապետության ակադեմիկոս դիրիժորներից է: Նրա բազմամյա արեղծագործական գործունեությունը, որպես օպերային և սինֆոնիկ դիրիժոր, մեծ ներդրում է Հայաստանի երաժշտական մշակույթի զարգացման գործում: Ալեքսանդր Սպենդիարյանի անվ. օպերայի և բալետի ազգային ակադեմիական թատրոնի բեմում առաջին անգամ իրականացրել է Վարդան Տիգրանյանի «Սոս և Վարդիթեր», Մարտի Բաբանի «Արծաթեղջյուր», Գևորգ Արմենյանի «Թորոսակուն», Գրիգոր Հախինյանի «Կանոն», Էրիկ Հարությունյանի «Մի կաթիլ մեղր», Վարդան



15 Յուլիսին Արամ Խաչատրյանի անվան համերգասրահում տեղի ունեցավ համերգ-շնորհանդես նվիրված անվանի դիրիժոր, հայկական երաժշտական մշակույթի վաստակաշատ երախտավոր՝ ՀՀ ժողովրդական արտիստ, պրոֆեսոր Յուրի Դավթյանի ծննդյան 95-ամյակին: Յուրի Դավթյանը շուրջ 70 տարի եղել է Երևանի Սպենդիարյանի անվ. օպերայի և բալետի թատրոնի դիրիժոր, որից 20 տարի գլխավոր դիրիժոր: 1966-1968 և 1992-1994 թվականներին՝ Հայկական հեռուստատեսության և ռադիոյի պետական կոմիտեի սինֆոնիկ նվագախմբի գլխավոր դիրիժոր: Նա կատարեց նաև Ֆիլհարմոնիայի: Ստեղծել է կոմպոզիտոր Արթուր Մարոնյանի հետ (ջութակ/դաշնամուր) «Քրոմա» դուետը, «Նաիրի» կվինտետը և նույնանուն նվագախմբերը: Համերգին նա կատարեց՝ Մորիս Ռավելի «Գնչուհի» կոնցերտ-ճապատոյիս ջութակի և նվագախմբի համար:



միջավայր: Նա ղեկավարել է մի շարք սինֆոնիկ նվագախմբեր՝ ԽՍՀՄ Պետական, Մոսկվայի Մեծ, Մարիինյան նաև Սարատովի օպերային (գլխավոր դիրիժոր) թատրոնների, և այլ նվագախմբեր: Յուրի Դավթյանը համերգներով շրջագայել է՝ Ռուսիայում, Հունգարիայում, Ֆրանսիայում, ԱՄՆ-ում, Իսպանիայում և այլ երկրներում: Իր բազմամյա դիրիժորական գործունեությունը որպես հանձնախմբի նախագահի Արամ Խաչատրյանի անվան միջազգային դիրիժորական մրցույթում՝ 2016 թվականին, որը կազմակերպել էր 20-ամյա պատմություն ունեցող աշխարհամանաչ միջազգային մրցույթի հիմնադիր Սերգեյ Սմբատյանը, ում աջակցությամբ էլ հրատարակվել է իր ուսուցչի ինքնակենսագրական «Մեկ դարյա պատմություն» պատկերազարդ ալբոմ-գիրքը, որի ազդանշանային օրինակը ցուցադրվեց բեմից:

Նրա ղեկը նշանակալի է ոչ միայն իր լավագույն շրջանավարտ Սերգեյ Սմբատյանի՝ որպես դիրիժորի մասնագիտացման գործում, այլ նաև Հայաստանի պետական սինֆոնիկ նվագախմբի: Պետք է նշել Յուրի Դավթյանի մասնակցությունը որպես հանձնախմբի նախագահի Արամ Խաչատրյանի անվան միջազգային դիրիժորական մրցույթում՝ 2016 թվականին, որը կազմակերպել էր 20-ամյա պատմություն ունեցող աշխարհամանաչ միջազգային մրցույթի հիմնադիր Սերգեյ Սմբատյանը, ում աջակցությամբ էլ հրատարակվել է իր ուսուցչի ինքնակենսագրական «Մեկ դարյա պատմություն» պատկերազարդ ալբոմ-գիրքը, որի ազդանշանային օրինակը ցուցադրվեց բեմից:

Գոհար Ծաղկյան
Երաժշտագետ, Մասնագիտացման միջազգային
ֆեդերացիայի անդամ

Ամենայնի «Կիկոսի մահը» և այլ օպերաների առաջին բեմադրությունները...»:

Յուրի Դավթյանի մասին այստեղ հատկապես կցանկանալի նշել նրա ղեկը հայ երաժշտության դասական Տ. Չուխաճյանի «Զեմիրե» օպերայի վերածննդի և առաջին ներկայացնելու հարցում (ձեռագիր նյութերի հիման վրա), որն ամուր հաստատվեց երաժշտական երկացանկում հեռուստահեռարձկման համար:

«Մեղուի» ընկերության համար նա ձայնագրել է Ա. Տիգրանյանի «Դավիթ Բեկ» օպերան և «Ալմաստ» ֆիլմ-օպերան ըստ Սպենդիարյանի համանուն օպերայի:

Յուրի Դավթյանը Հակոբ Պարոնյանի անվան

ԿԱՅԱՑԱՎ ԿՈՄՊՈԶԻՏՈՐ ՆԱՐԻՆԵ ԶԱՐԻՖՅԱՆԻ ՀՈՐԵԼՅԱՆԱԿԱՆ ԵՐԵԿՈՆ

Նարինե
Զարիֆյան,
Դանիել
Դանիելյան,
Հայաստանի
ազգային
ֆիլհարմոնիկ
նվագախումբ,
դիրիժոր
Էդուարդ
Թովչյան



Հուլիսի 16-ին, Արամ Խաչատրյանի համերգա-
արահուստ կայացավ ՀՀ արվեստի վաստակավոր
գործիչ, կոմպոզիտոր, Հայաստանի կոմպոզի-
տորների միության անդամ, ԵՊԿ Զագ-փոփ երաժշտու-
թյան ամբիոնի վարիչ, պրոֆեսոր Նարինե Զարիֆյանի
հոբելյանական երեկոն։

Ծրագրում ընդգրկված էին՝ «Փողոցի արևային կող-
մուն» (մենակատար՝ Նարեկ Ավագյան, ֆլեյտա), «Ների»
(խոսք՝ Մարիաննա Գրիգորյանի, մենակատար՝ Սիրանուշ
Գասպարյան), «Էլեգիա» (մենակատար՝ Հակոբ Զաղա-
պանյան, կիթառ), «Վոկալիզ» (մենակատար՝ Սոնա
Շահգեղյան), «Մեր սիրտ աշունը» (մենակատար՝ Ռուբեն
Հախվերդյան), «Կեսգիշեր» (մենակատար՝ Ռուբեն Հախ-

Շահգեղյան, Գառնիկ Եղիազարյան, Հակոբ Զաղա-
պանյան (կիթառ)), «*Umores da Rapsodia*» (մենակատար՝
Անահիտ Դիլբարյան (դաշնամուր)), «Երկխոսություն» ման-
կական երգչախմբի և հարվածային գործիքների համար,
(նվագակցող՝ Նաիրա Հարությունյան) ստեղծագործույ-
թունները։ Համերգին մասնակցում էին նաև՝ Հայաստանի
ազգային ֆիլհարմոնիկ նվագախումբը, գեղարվեստա-
կան ղեկավար և գլխավոր դիրիժոր Էդուարդ Թովչյան,
Զայնի պահպանման վոկալ-երգչախմբային մասնագի-
տական դպրոցի երգչախումբը, գեղարվեստական ղեկա-
վար՝ Կարինե Առաքելյան, խմբավար՝ Էմմա Առաքելյան, և
հարվածային գործիքների կազմը, դիրիժոր՝ Ռուբեն
Ասատրյան։



Նարինե Զարիֆյան, Արամ Մաթյան



Նարինե Զարիֆյան, Կարոլ Մանուկյան

վերդյան), «Ֆանտազիա Սայաթ-Նովայի թեմաներով» (մե-
նակատարներ՝ Հակոբ Խալաթյան (քամանչա), Աստղիկ
Սեդուկցյան (քանոն), Կարեն Գևորգյան (դիոլ)), «*Solea*»
(մենակատարներ՝ Սիրանուշ Գասպարյան (վոկալ), Կար-
մեն Թոսունյան (ջութակ), Հակոբ Զաղապանյան (կիթառ))
Դավիթ Մելքոնյան (սաքսաֆոն)), «Քեզ հետ, քեզ նով»,
խոսք՝ Մարիաննա Գրիգորյանի (մեներգիչներ՝ Սոնա

Համերգային երեկոյի ընթացքում, որը վարում էր
երաժշտագետ Մարգարիտա Բաղդասարյանը, Նարինե
Զարիֆյանին Գիտության Արվեստի Մշակույթի Միջազ-
գային Ակադեմիայի կողմից շնորհվել է ակադեմիայի
Պատվավոր անդամի բարձրագույն կոչում, նույն ակա-
դեմիայի կողմից պարգևատրվել՝ «Ոսկե Մեդալ»-ով, Հա-
յաստանի Կոմպոզիտորների Միության կողմից՝ Իսկության

Հավաստագրով, ՀՀ ԿԳՄՍՆ-ի կողմից, մշակույթի բնագա-
վառում ունեցած վաստակի, երկարամյա աշխատանքի և
ստեղծագործական նվաճումների համար՝ Պատվոգրով և
«Հայք» Ուսումնականության Միության Մեդալով։

Շնորհավորական ուղերձով հանդես եկավ Երևանի
Կոմիտասի անվան պետական կոնսերվատորիայի ղեկ-
ավար պաշտոնակատար, Արվեստագիտության թեկնածու,
դոցենտ Ծովինար Մովսիսյանը. «Հարգելի տիկին Զարիֆ-
յան, Երևանի Կոմիտասի անվան պետական կոնսերվա-
տորիայի գիտական խորհրդի և ղեկավարի անունից
շնորհավորում ենք Ձեզ՝ արեղծագործական գործունեու-
թյան 40-ամյակի կապակցությամբ։

Դուք Ձեր կարևոր ներդրումն եք ունեցել Երևանի
կոնսերվատորիայի Զագ-փոփ երաժշտության ամբիոնի
սրբեղծման և մասնագիտական կայացման գործում։
Սրբեղծման առաջին իսկ օրերից, ամբիոնի հիմնադիրների՝
այս ոլորտում հիրավի լեգենդների հետ կողք-կողքի,
սրբեղծել եք ամենակրթական, բայց և ամենահանրային
ամբիոնի արադձն ու բովանդակությունը։ Վերջին տարի-
ներին, սրան ձեռնարկ անհանգիստի բարդ ու պա-
րասպանապարհ պարզականությունները, Դուք կարողա-
ցաք նոր շունչ ու մասնագիտական նոր որակ հաղորդել
ամբիոնին՝ շեշտը դնելով համաշխարհային ջազի դասա-
կան և ոլորտի ազգային դրսևորումների լավագույն նմուշ-
ների յուրացման վրա։

Մեծագույն հաճությամբ և հիացումով ենք ունկնդրում
ամբիոնի պարբերաբար ներկայացվող ծրագրերը՝ բազ-
մաձև և բազմաբովանդակ գործիքային ու վոկալ անսամբ-
լայնության զարմանալի ներդաշնակությամբ, կենդանի
կապարտումներով։

Սյր ձեռքբերումներն ակնհայտ են և բոլորովին պարա-
հական չեն, քանի որ Դուք Ձեր արեղծագործական գործու-
նեության ընթացքում մշտապես զուգակցում եք Ձեր ուսու-
ցիչներից ժառանգած բարձր պրոֆեսիոնալ հմտույ-
թուններն ու ժամանակի շունչը արդիական համարձակ մի-
ջոցներով արտահայտելու կարողությունը։

Շնորհավորելով Ձեր արեղծագործական գործունեու-
թյան 40-ամյակի առթիվ՝ մաղթում ենք անհատնում
ոգեշնչում, եռանդ և նորանոր հաջողություններ։

Նյութը պատրաստեց՝
ԱՐՄԻՆԵ ԱՅՈՑՅԱՆԸ

Յուրի Դավթյանի ծննդյան 95-ամյակին նվիրված համերգ

Կոմեդիայի թատրոնում աշխատել է որպես
գլխավոր դիրիժոր։ Բեմադրել է Տ. Չուխաճյանի
«Կարինե» օպերետը, ինչպես նաև Արամ Մաթ-
յանի «Մորգանի Խնամին» մյուզիքլը, որն
արժանացել է «Արտավազ» մրցանակի։

Համերգին կատարվեց Կոնստանտին Պետրոսյանի
հանրահայտ երգերից՝ «Հայաստանը»։ Ի լրումն ասենք, որ
բոլորվին վերջերս Արամ Խաչատրյանի տուն թանգարա-
նում շնորհանդես-համերգ տեղի ունեցավ Կոնստանտին
Պետրոսյանի Ռոմանտների և երգերի ժողովածուի կազ-

մակերպված Ռոմանտ Մեղիքյանի անվան երաժշտական
քոլեջի դասախոս Շուշանիկ Բրուտյանի ջանքերով, որը
հաջող փորձ էր ծանոթացնելու ռոմանտիզմին կոմպո-
զիտորի արվեստի հետ։

Համերգը եզրափակվեց այն երկով, որը վերջին փո-
խադրումն էր, որի վրա Յուրի Դավթյանը երկար տարիներ
աշխատել և վերածել էր դաշնամուրի և նվագախմբի հա-
մար Սյուիտի՝ Արտեմի Ավագյանի երգերի մոտիվներով։ Ի
դեպ, այս ստեղծագործությունը նվագախումբն առաջին
անգամ հանրությանը ներկայացրել է 2019 թվականին՝

դիրիժորի ծննդյան 90-ամյակին նվիրված համերգին՝ հենց
Յուրի Դավթյանի ղեկավարությամբ։ Անահիտ Դիլբարյանը
կատարեց Սերգեյ Սմբատյանի ղեկավարությամբ։

ԳՈՀԱՐ ՇԱԳՈՅԱՆ
ԵՊԿ հրապարակչության՝ հիմնադիր-
հրապարակիչ, երաժշտագետ,
ՀԿՄ, ՀԺՄ, Ժողովրդական միջազգային
ֆեդերացիայի անդամ

Կոնսերանսին Պետրոսյանի «Երգերի ընտրանի» գրքի համերգ-շնորհանդեսը



Կոնսերանսին Պետրոսյան,
Շուշանիկ Բրուսյան



Հունիսի 3-ին, Արամ Խաչատրյանի տուն-թանգարանում կայացավ անվանի կոմպոզիտոր, «Սուրբ Սահակ-Սուրբ Մեսրոպ» շքանշանակիր, «Մովսես Խորենացի» մեդալակիր, Հայաստանի արվեստի վաստակավոր գործիչ Կոնստանտին Պետրոսյանի նոր «Երգերի ընտրանի» ժողովածուի համերգ-շնորհանդեսը:

«Ժողովածուն ընդգրկում է կոմպոզիտորի Կարբեր ժանրերում և Կարբեր ժանանակաշրջաններում գրված երգերը՝ ձայնի և դաշնամուրի նվագակցությամբ: «Երգերի ընտրանին» վաղուց ապավանդված ձեռնարկ է երաժշտական ուսումնական հաստատություններում և հրաշալի հնարավորություն պարունակում երգիչ-կատարողների համար՝ ընդլայնելու սեփական երգացանկը», – ասել է հրատարակման նախաձեռնող, ժողովածուի կազմող և երաժշտական խմբագիր, համերգ-շնորհանդեսի կազմակերպիչ, Ռոմա-

նոս Մելիքյանի անվան երաժշտական քոլեջի դասախոս Շուշանիկ Բրուսյանը:

Համերգին մասնակցում էին քոլեջի սաները՝ կատարելով ժողովածուի մեջ ընդգրկված բոլոր ստեղծագործությունները: ««Երգերի ընտրանի»-ն ընդգրկում է բազմա-րեսուրս երգեր՝ հայրենասիրական, քնարական, նույնիսկ մանկապարանեկան, որոնց հիմքում հայ բանաստեղծների արեղծագործություններն են: Կան առաջին անգամ հրապարակվող երգեր, նաև երգեր հոգևոր թեմաներով», – ասել է կոմպոզիտոր Կոնստանտին Պետրոսյանը:

Որոշ երգերի կցված են ՕՐ կոդեր, որոնց հղումով կարելի է համացանցում դիտել կամ ունկնդրել տվյալ ստեղծագործությունների կատարումները:

ԳՈՂԱՐ ՀԱԳՈՅՆՆ

Յոհան Սեբաստիան Բախ «Սի մինոր մեսսա»: «Երկնայինը՝ երկրից երկինք»:



Բախի հոգևոր և աշխարհիկ կանտատներն իրենց երաժշտամտածողական արմատներով հարազատ են միմյանց: Նա հաճախ աշխարհիկ կանտատների որոշ հատվածներ օգտագործում է հոգևոր կանտատներում՝ փոփոխելով միայն տեքստը:

Բախի վոկալ-գործիքային ստեղծագործություններում կենտրոնական տեղ են զբաղեցնում «Պաս-սիոնները»՝ («Չարչարանքները»): Դրանք չորսն են՝ հիմնված չորս ավետարանիչների տեքստերի վրա՝ ըստ Մատթեոսի, Մարկոսի, Դուկասի և Հովհաննեսի: Այդ ստեղծագործությունները պատմում են Փրկչի՝ Հիսուս Քրիստոսի կյանքի մասին: Սրանք թե՛ մտահղացմամբ, և թե՛ ծավալով ամենախոշոր ստեղծագործություններն են:

Իսկ «Սի մինոր մեսսան» բարձրագույն և առանձնակի տեղ է գրավում, քանի որ այն պատարագի ծեսն է, և առանձնահատուկ խորհրդանշական իմաստ ունի: Այն բավականին խորը, փիլիսոփայական, վեհ գաղափարների, ճշմարտության արտահայտման միջոց է: Բախին հաջողվել է այս ստեղծագործության մեջ դուրս գալ զուտ ծիսական և հուզական ոլորտներից և ներառել այլ ոլորտ՝ անտեսանելին, անշոշափելին, ոչ մարմնականը:

Հատկանշական է այն, որ Բախի հոգևոր ստեղծագործությունները հիմնականում ընդգրկում էին յուրերակյան եկեղեցու ավետարանական տեքստերն ու աղոթքները, իսկ այս ստեղծագործությունը գրված է, որպես կաջողիկ մեսսա (Մաքսոնյան կյուրֆուրստ Ֆրիդրիխ Ավգուստի պատվերով):

Համերգի ընթացքում ուշադրություն գրավեց այն հանգամանքը, որ ծրագրում ավանդական հինգ մասերի փոխարեն նշված էին հետևյալ չորս մասերի ենթաբաժինները.

1. Missa (Kyrie and Gloria):
2. Symbolum Nicenum (Credo):
3. Sanctus:
4. Osanna, Benedictus, Agnus Dei et Dona nobis pacem:

Սակայն ընդունված է, որ համերգային կատարումներում երբեմն դուրս են մնում որոշ հատվածներ, այս դեպքում՝ նաև որոշ կանադական տեղափոխումներ էին կատարվել համարների հաջորդականության մեջ:

Կատարումը կարող էր նաև ավելի գոհացնող լինել: Մասամբ բացակայում էր այն ուժը, որի շնորհիվ հանդիսականը պետք է շնչեր և ապրեր նույն բարախյունով: Ցավոք, միշտ չէր, որ դա հաջողվում էր:

Հաշվի առնելով, որ այն բավականին լուրջ և կատարման իմաստով բարդագույն ստեղծագործություն է, և ստանձնել այդ կատարումը ահեղի պատասխանատվություն է, հասկանալի են որոշ «թերություններ»՝ պատճառները:

Գուցե այդ հանգամանքով է, որ մենակատարների ելույթներում միջին ռեզիտարներում ձայնը հնչում էր գեղե-

ցիկ, մաքուր, իսկ ծայրի ձայնասահմաններում՝ կատարողական առումով բարդ հատվածներում երբեմն ձայնը չէր հաղթահարում տվյալ պարտիան:

Երգչախումբը փորձում էր հնարավորինս լավ կատարել՝ յուրաքանչյուրը իր ձայնաբաժինը, սակայն, մասամբ բացակայում էր յուրաքանչյուր ձայնի ինքնուրույն մեղեդիական գծի ցուցադրումը և միաժամանակ բոլոր ձայների միասնականությունը՝ որպես մեկ շունչ:

Նվագախումբը հնչում էր բավականին մեղմ, զգույշ, սակայն, որպես մեսսա՝ էլեկտրոնային դաշնամուրի փոխարեն կարող էր հնչել երգեհոն:

Երբեմն նկատելի էր նվագախմբի և երգչախմբի անսամբլային անհամապատասխանություն:

Դիրիժորը բավականին ոգևորված էր, ինչը ողջունելի է, սակայն մասնագիտական առումով, ի վերջո, կատարման



Մեղա Ամիր-Կարայան, Ֆրից Կրեմեր

թերությունների ճնշող մասը կախված է դիրիժորից:

Այնուամենայնիվ, համերգը կարող ենք համարել հաջողված:

Այս ստեղծագործության ցանկացած կատարում կարելի էր հարգել իրադարձություն է այն երկրի, քաղաքի համար, որտեղ այն հնչում է: Մեր դեպքում՝ առավել ևս, քանի որ այն առաջին անգամ էր հնչում Հայաստանում՝ պարզելով հնարավորություն՝ լսելու բարձրարժեք ստեղծագործություն, որը կարելի է բնութագրել. «Երկնայինը՝ երկրից երկինք»:

ՍՈՒՍԱՆԱ ՄԱՐԶԱՆՅԱՆ,
ԵՊԿ երաժշտագիտության բաժնի 2-րդ կուրս

ԼՐԱՏՎԱԿԱՆ ԳՈՐԾՈՒՆԵՐՈՒԹՅՈՒՆ ԻՐԱՎԱՆՈՐԱԿԱՆ ԿՈՄԻՏԵԱԿԱՆ ԼՐԱՏՎԱԿԱՆ ՊԵՏԱԿԱՆ ԿՈՆՍԵՐՎԱՏՈՐԻԱ ՊԵՏԱԿԱՆ ՈՋ ԱՌԵՎՄԱՆ ԿԱԶՄԱԿԵՐՊՈՒԹՅՈՒՆ

Վկայական N 03059505 տրված 7.04.2003թ.

ՀԱՄԱԿԵՐՊԵՐՈՒՄ Կոմիտասի անվ. ԵՊԿ ՊՈԼԿ

ՍԵՐԳԵՅ ՍԱՐԱՋՅԱՆ, ԳՈՂԱՐ ՀԱԳՈՅՆՆ

Գլխավոր խմբագիր՝ ԱՐՄԻՆԵ ԱՅՈՑՅԱՆ

Թողարկման պատասխանատու՝ ԳՈՂԱՐ ՀԱԳՈՅՆՆ

Խմբագիրներ՝ ԳՈՂԱՐ ՀԱԳՈՅՆՆ (հայ. լեզու)

ՍՈՖԻԱ ԱՋԵԱՆՈՒԹՅԱՆ (ռուս. լեզու)

Գեղարվեստական խմբագիր՝

ԳՈՂԱՐ ՀՈՎՀԼԵՆԻՍՅԱՆ

Արտատպումը միայն «Երաժիշտ» ամսագրի գրավոր արտոնությամբ: Խմբագրությունը միշտ չէ, որ համամիտ է հեղինակների կարծիքներին կամ տեսակետներին: Նյութերը չեն գրախոսվում և չեն վերադարձվում:

Ծավալը 8 էջ: Ստորագրված է 28.08. 2024:
Գինը 400 դրամ: Տպաքանակը՝ 101:

Մեր կայքում տեղ գտած հրապարակումների հեղինակային իրավունքը պատկանում է բացառապես «Երաժիշտ» ամսագրի «ԵՊԿ հրատարակչության» (<http://yksclabrary.am/> conservatory.am): Այլ ՁԼՄ-ներում սույն կայքի հրապարակումներից որևէ մեկը ամբողջական վերահրապարակելու համար անհրաժեշտ է «ԵՊԿ հրատարակչության» (<http://yksclabrary.am/> conservatory.am) համաձայնությունը: Լրատվամիջոցներ կարող են «Երաժիշտ» ամսագրից մեջբերումներ վերահրապարակել միմյան հատվածաբար՝ պարտադիր օգտագործելով հիպերհղում:

Գովազդի տեղադրման համար դիմել խմբագրություն նշված հասցեով.

0001, ք. Երևան, Մարկ Գրիգորյան 2
+374 10 52 39 93-118
+ 374 55 00 21 62
<http://www.conservatory.am>, <http://yksclabrary.am/>
E-mail: yerazhisht@gmail.com
<https://www.facebook.com/Yerazhisht-newspaper-Yerevan-State-Conservatory-99649015050824/>

